

Goibekokale

ELGETA / Barikua / 2003ko maiatzaren 9a / 140. zenbakia

KOORDINATZAILEA: Oxel Erostarbe • Barrenkalea 33 20570 BERGARA • Tel.: 943 76.92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: SS475/95

Elgetako hauteskunde-mahaia osatuko duten herritarrak aukeratu dituzte

IRATI AGIRREAZALDEGI

Maiatzaren 25ean udaletarako eta Batzar Nagusietarako hauteskundeak izango dira, eta dagoeneko aukeratu dituzte egun horretan Elgetako hauteskunde-mahaian egongo diren kideak. Hiru lagun izango dira mahaian eta bakoitzak ordezko bi izango ditu.

Joan den apirilaren 29an (martitzena) egindako ezohiko osoko bilkuran, maiatzaren 25eko hauteskunde-mahaian egongo diren elgetarrak aukeratu zituzten zozketa bidez. Izaskun Larrea eta Sebas Arantzabal zinegotziak, Patxi Basauri alkatea eta Udaleko idazkaria egon ziren batzarraren. Eta zozketako emaitzen arabera honako hiru herritar hauek osatuko dute Elgetako Udaletxean egongo den hauteskunde-mahaia: Olaia Jiménez Arrietak (mahaiburua), Esteban Sarasqueta Arizmendiarririk (lehenengo mahaikidea) eta Mikel Elgoro Osak (bigarren mahaikidea). Maitel Retolaza Ojanguren eta Nerea Villa Arantzeta izango dira mahaiburuaren ordezkoak, M. Jose Agirregomezkorta Etxe-



Hauteskunde-mahaian egongo diren elgetarrak aukeratu zituzten, bozketa bidez, ezohiko osoko bilkuran.

ria eta Luis Antonio Alkorta Iratzabal lehenengo mahaikidearenak eta Igor Irazabal Bolinaga eta Alberto Arakistain Ariznabarreta bigarren mahaikidearenak.

EGINBEHARRAK

Mahaikideek goizeko zortzietan egon beharko dute Elgetako udaletxean, eta, mahaia osatu ondoren, paperak, hauteskontziak...

modu egokian prestatuta daudela ziurtatu beharko dute. 09:00etan irekiko dituzte ateak, herritarrek botoa eman dezaten. Mahaiburuaren betebeharra hauteslea

mahaira hurreratzen denean haren datuak ozen irakurtzea eta, datuok zuzen daudela probatu ondoren, botoa hauteskontzian sartzea izango da. Horrez gain, gainerako mahaikideekin batera paperak modu egokian jarrita daudela ziurtatu beharko du egunean barrena.

Hauteskunde-mahaia arantsaldeko zortzietan itxiko dute, eta ordu horretatik aurrera mahaikideek, kontu-hartzaileek eta bertan dauden herritarrek bakarrik bozkatu ahal izango dute. Gero postaz jasotako botoak sartuko dituzte hauteskontzian. Amaitzeko botoen zenbaketa egingo dute: lehenengo, udal hauteskundeetako dagozkienak kontatuko dituzte eta Foru Aldundirako hauteskundeetako botoak gero. Mahaiburua emaitzak ozen irakurri eta aktak sinatu beharko dituzte azkenik, eta egunean barrena arazorik egon bada bertan azaldu.

Elgetan 827 herritarrek eman ahal izango dute maiatzaren 25ean Udaleko alkatea eta zinegotziak eta Batzar Nagusietarako kideak aukeratzeko botoa. Bestalde, elgetarrak izan eta kanpoan bizi diren beste 16 lagunek ere izango dute bozkatzeko aukera.

HERRITARREN HITZA / Iban Arantzabal • Goienako Telematika zuzendaria

Hauteskunde garrantzitsuak herrirako

Politika gustoko dogunondako ez da falta ezer. Ginda eta guzti etorri leike maiatzaren 25a. Munizipal-letan taldea aukeratzeko dogu. Ez inertziak, botuak ez dira-eta sigla honen edo haren jabetzakuak. Nere botua neuria da eta kitto! Gura dot aukeratzia. Eta zein da aukera onena? Talde lana: Derrigorra da eta gestionatzeko modu egokixena. Begiratuko dot ia zeinek osatzen daben talderik onena programak gestionatzeko. Badakit zein aukeratu. Herrirako proiektu barriak: Proiektuekin ahua betetzia ez da nahikua. Barrirak bai,

baiña itsutu barik. Gura dot dakaguenari ondo eustia, ze horretarako ez bagara kapaz... Badakit zein aukeratu.

Trasparentzia: Buzoneuak egittia: zein prespektiba dagon inbersiñuetarako, zein sarrera dagozen... baiña ez hori bakarrik. Gura dot zorra zein dan esatia be eta Udala ez hain ondo doianian danoi jakitzera emotia: Gardena izzatia. Badakit zein aukeratu.



"Aukeratu inertziak? Neure botua neuria da eta kitto!"

nahikua jatorra izatia, guapua edo guapia, berba jarixu onekua, etxe onekua, ondo

Partehartzaillia: Ez dot gura alkatia zein izango dan aukeratu eta konfidantza osua emotia lau urterako (eta bakarrik lau urterako). Nahi dotena da Udaletxia herrixan onduan egotia. Horretarako preguntau deixela herrixai bihar dan bestetan. Badakit zein aukeratu.

Programia: Ez da nahikua jatorra izatia, guapua edo guapia, berba jarixu onekua, etxe onekua, ondo

jantzitta ibiltzia... Derrigorra da programa bati emotia botua. Programa onenari. Zeri emon botua bestela? Balio daben botua emon bihar dogu, gero udaletxian programia defenditzeko. Badakit zein aukeratu. Aralar, EAJ edo Elgeta Auzolanianen artian gura neuke aukeratu eta aukeratu dot (bueno, beste bi be badare, baiña horrena ez dakit ezer...). Onenak lortu deixela, hala eta be, boto gehixen. Eta kapaz izan deilla beste bi alderdixekin gobernatzeko. Holan, eta bakarrik hola euko leuke Udalak gindia, hiru partiduen artian Udala gestiona. Aralar, EAJ edo Elgeta Auzolanianen artian gura neuke aukeratu eta aukeratu dot (bueno, beste bi be badare, baiña horrena ez dakit ezer...). Onenak lortu deixela, hala eta be, boto gehixen. Eta kapaz izan deilla beste bi alderdixekin gobernatzeko. Holan, eta bakarrik hola euko leuke Udalak gindia, hiru partiduen artian Udala gestiona.

LABUR

Erretiratuendako irteera Segovia eta ingurueta

Erretiratuena elkartek maiatzaren 18tik 20ra bitarteko irteera antolatuko du Segovia, El Escorialgo Monasterioa, Valle de los Caídos, Madril, Avila eta La Granja bisitatuko dituzte gidari baten laguntzarekin.

Interesatuak Miren Villarrengana jo beharko dute lehenbailehen. Irteeraren kostua 137 eurokoa izango da eta autobuseko bidaiak gain, hoteldago egonaldia ere sartuta dago prezioan. Argibideak 94 76 80 34 telefonoan/I.A.

HAUTESKUNDEAK

Zerrendak legez kanporatzea salatuko du Elgetako plataformak

I.A.

Espainiako Auzitegi Gorenak 241 hauteskunde-zerrenda inpugnatu ditu, eta ezin izango dute maiatzaren 25eko hauteskundeetan parterik hartu. Horien artean dago Elgeta Auzolanean plataforma ere. Legez kanporatze horren aurka protesta egiteko, plataformak kale bilkura egingo du gaur.

Joan den maiatzaren 2an jaso zuten Elgeta Auzolanean plataformako kideek, Bergarako auzitegitik, euren zerrendak inpugnatu zituztelako berria. Zerrenda atzera botatzeko arrazoia da izenen artean aurrez Batasuna, EH edo HBren zerrendetan agertutakoak egotea. Elgeta Auzolanean taldekoek zera esan dute: "Plataforma berria da, herriko jende gehiago batu nahi duena, aurrez beste alderdietako partaide izandakoak daude, baina baita beste batzuk ere". Horregatik errekurtsoa aurkeztu zuten. Baina helegite hori onartu ez eta zerrenda berriz inpugnatu dutenez, beste errekurtso bat aurkeztu du plataformak Auzitegi Konstituzionalean, eta, erantzuna jaso zain dauden arren, ez dute ezer onik espero.



Zerrendako kideak eta Elgetarako programa aurkeztuko dituzte plataformakoek.

Horretarako, zerrendaren eta programaren aurkezpena egingo dute gaur, egubakoitza, 20:00etan, plazan. "Legez kanporatzearen aurrean protesta egiteko modu egokiena da. Herritarren sinadurek garbi erakutsi dute plataformaren zerrenda hauteskundeetan izatea nahi dutela, eta hori egingo dugu", esan digute plataformakoek. Aurkezpenaren ostean kale bilkura egingo dute.

Hauteskunde egunerako ere paperak banatuko dituzte euren zerrendarekin herritarren artean, eta gero, botoak balio barikoak izan arren, kontatu egingo dituzte. Euren asmoa Udalean lortutako botoen araberako ordezkaritza izatea da. Horretarako, herriko gainerako alderdi abertzaleekin jarriko dira harremanetan, eta beraien proposamena azalduko diete.

AURKEZPENA

Zerrenda inpugnatu duten arren, maiatzaren 25eko hauteskundeetan aurkezteko asmoari eutsi egingo dio plataformak.



Ozkarbiko bazkideek elkartearen eguna ospatu dute

Ozkarbi Elkarteak bazkideek euren eguna ospatu dute aurten ere. Herriko kaleetan trikiti doinuz lagunduta txikiteoa egin ostean, bazkaritara batu ziren elkartearen bertan. Ozkarbik 200 bazkide inguru ditu, eta 45 elkartu ziren. Bazkaria Agur, jaunak! abestuz hasi zuten eta bazkaloetan ere ez zen kanturik falta izan/I.A.

JAIK

Danborradarako entsegua zapatuan

I.A.

Herriko jaietan, uztailaren 5ean, danborrada egongo da, urtero moduan. Danborra modu egokian jotzeko beharrezkoak dira entseguak, eta bihar, zapatua, arratsaldean, lehen entsegua egingo dute danborradarako izena eman duten herritarrek.

Bihar, zapatua, maiatzak 10, hasi eta Elgetako jaietara bitartean, danborradarako entseguak egingo dituzte zapatu arratsaldero Espaloia aretoan. Hala, umeen txanda izango da lehenengo, 16:30ean, eta 17:30ean nagusiek hartuko diete errelebia.

Uztailaren 5ean izango da danborrada, eta, azken urteotan moduan, Arrasateko Musika Bandak egingo die lagun danbor eta barril jotzaile elgetarrei.

Aurtengo danborradak izango du berritasunik: besteak beste, herriko umeek eta nagusiek batera estreinatuko dute Elgetako ereserkia.

JAIETAKO BATZARRA

Herriko jaietako egitaraua presatzen hasiak dira elgetarrak, eta dagoeneko programan azken uki-tuak egitea besterik ez zaie falta. Horretarako, datorren eguaztenean, maiatzaren 14an, herriko udaletxean bilera egingo da, 21:00etan.



Espaloia aretoan izango dira entseguak zapatu arratsaldeetan.

LABUR

Abian daude Elgetako areto futbol eta ibarreko lau t'erdiko txapelketak

Maiatzaren 3an Elgetako Areto Futbol Txapelketako hiru partidu jokatu ziren: Añiketan taldeak 10-4 irabazi zion Bar El Arco taldeari, Txapelak taldeak 10-5 irabazi zion Komando Piperrak taldeari eta Vicios eta Chievo taldeek berdindu egin zuten. Bestalde, ibarreko Lau t'erdiko Pilota Txapelketa ere jokatan ari da, eta Peñalver eta Ibarluzea elgetarrak lehenak dira sailkapenean.

Posta bidezko botoaren gaineko informazioa emango du EAJ/EA koalizioak

Elgetako EAJ/EA koalizioak hauteskunde-bulegoa ireki du, maiatzaren 25eko hauteskundeetan botoa posta bidez eman nahi duten herritarrei laguntzeko. Bulegoa Domingo Iturbe kaleko 8. zenbakian dago, beheko lokalean. Interesatuak 19:00etatik 20:00etara jo ahal izango dute bertara gaur, egubakoitza, maiatzaren 9an eta 13an.

Erretiratuen Elkarteko urteroko batzarra bihar, maiatzak 10, Ozkarbin

Elgetako Erretiratuen Elkarteak bazkideen urteroko batzarra egingo du bihar, zapatua, 17:00etan, Ozkarbi elkartearen. Batzarrean iazko balantzea egingo dute eta aurtengo ekintzen berri emango dute. Batzarrean ostean askaria (merienda) egongo da bertaratzen direnendako. Elkarteak Zuzendaritzak herriko erretiratuak batzarrean joateko dei egin nahi die.

ERRETRATUZAHARRA

ANTZUOLA

Goizperko langileak, 1965ean

Antzuola herri industrializatua izanik, garrantzi handia dute bertako herriko enpresek, batez ere, Elayk, Matz-Errekak eta Goizperrek, horiexek dira-eta handienak.


Oraingo astean Goizper enpresako langileek 1965ean inaugurazio ekitaldi baten ondoren ateratako argazkia dakarkizuegu. Goiko pabilioi berria inauguratu zuten egun hartan.

Garai hartan hogeitabat langilek ziharduten lanean Goizperren; ordutik hona, baina, izugarri hazi da enpresa eta gaur egun 160 langiletik gora ditu Goizperrek.

Argazkian azaltzen direneta 20 zortzi bat lagunek sortu zuten enpresa, eta handik gutxira hasi ziren langile berriak sartzen.

Hona hemen argazkian azaltzen direnak:

Ezkerretik eskumara, makurtuta, honako hauek: Jose Mari Kortabarria, Zaragozako ordezkari bat, Jabier Arregi, Salvador Olabarria eta Julian Lizarralde.



Zutik, ezkerretik hasita: Cipriano Pildain, Antonio Igartza, Luis Pildain, Gregorio Arbulu, ezezaguna, Koldo Madariaga, Pako Legorburu (atzean), Gerbasio Legorburu, Kaxiano Larrea, Mateo Aranguren eta Abarrategi.

Argazkia: Antzuolako Udala

ADI, IRAKURLE!

Zure erretratu zaharra argitaratzea nahi izanez gero, zatoz BERRIGARara (Irizar jauregia, Barrenkalea 33) edo Elgetako kultura etxera. Zain gaituzu!


NOLA ALDATUDIRENGAUZAK

ANTZUOLA

Kalegoi, 80ko hamarkadan

Azkeneko hamarkadetan herria aldatu egin dela bistakoa da, batez ere, auzune berriak sortu direlako. Baina, herriko erdigunean ere, alde zaharrea, alegia, izan dira zenbait aldaketa.

Oraingo astean 1980ko hamarkadako argazki bat dakarkizuegu, Kalegoi ateratakoa, hain zuzen ere. Garai hartan Galartza enpresa zegoen tokian etxebizitza berriak egin zituzten.



≈1980

Galarza hermanos y Arbulu enpresa ikusten dugu honako argazkian. Ordurako itxita zegoen lantegia.



2003

Lantegia herriaren erdigunean zegoen, eta itxi zutenean, etxebizitza berriak egin zituzten han-txe, Kalegoiko goieneko zatian, hain zuzen ere.



Zumelaga

JATETXEA

60 urte zuen zerbitzura!

San Antonio 5. BERGARA. 943 76 20 21

CAMACHO

Drogeria
Usaindegia

Bidekurutzeta 24
BERGARA
943 76 13 35

UNIFE KOOPERATIBAKO KIDE

MUJIKÁ FERRETERIA

BERGARAKO ENPRESA ETA HERRITARREN ZERBITZURA


Bidekurutzeta 8. 943 76 28 67. BERGARA

Elgetako Udala




2003ko AURREKONTUA

2002.12.25ean onartua




Barne saila: %14,10




Kult./Euskara/Turismoa: %8,90




Baserritarrak: %3,10



Hezkuntza: %0,45




Hirigintza/Ingurumena: %60,55



Osasuna: %8,30



Finantzak: %3,17



Kirolak: %1,43


INBERTSIOAK 2003

	Eurotan	Pezetatan
Pagatza industrialdeko urbanizazioa	1.502.530	250.000.000
Espaloia aretoa egokitzea	248.833	41.402.259
Pagatza industrialdeko planeamendua	136.746	22.752.550
Eguneko zentroa, D. Irala kalea	133.154	22.154.931
Uriarte auzora ura eramatea	78.132	13.000.000
Torrealdeko urbanizazio proiektua	60.101	10.000.000
Berraondokuako aparkalekuak	42.071	7.000.000
Planeamenduko arau subsidiarioak	36.361	6.050.000
Semaforoak	31.337	5.214.000
Maalako parkea hobetzea	21.035	3.499.999
Eguarbitzan zuhaitzak sartzea	15.902	2.645.870
Irisgarritasun plana: barrerak kentzea	13.655	2.272.001
Salbador kaleko proiektua	10.692	1.779.001
Maala aldeko planeamendua	8.492	1.412.880
Kiroldegian hobetze lanak	8.381	1.394.436
Plazako eserlekuak	8.074	1.343.500
Torrealde 5erako bidea	7.210	1.199.663
Lur sailak erostea	7.010	1.166.386
Informatika tresnak	3.726	619.964
Asentzion ura jartzea	3.600	598.990
Kantoiak pareko lorategia ureztatzeko sistema	3.000	499.158
Mapa toponimikoa	2.822	469.560
Umeentzako jolasak	2.572	427.898
Frontoi zaharrean umeentzako jolas lekua	2.404	400.000
Eskoletako berogailua	1.971	327.985
Ingurumena	601	100.000
DANERA	2.390.412	397.731.031


EBOLUZIOA

Eurotan

AURREKONTUAK



INBERTSIOAK



GRUPO RKUZ

1950-2003

Zure etxea da



Araba etorbidea 20
Tel./Faxa: 943 79 23 51
ARETXABAETA



Araba Etorbidea 5
Tel./Faxa: 943 79 41 82
ARRASATE



Mitarte 3
Tel./Faxa: 943 77 04 55
ARETXABAETA



Andramari auzunea 1
Tel./Faxa: 943 79 10 97
ARETXABAETA

